

AUGLÝSING

um breyting á kærufresti til ríkisskattaneðndar.

Samkvæmt heimild í bráðabirgðalögum nr. 25 26. apríl 1944, um breyting á lögum nr. 6 9. janúar 1935, um tekjuskatt og eignarskatt, hefur ráðuneytið ákveðið að á þessu ári skuli kærufrestur til ríkisskattaneðndar vera til 1. okt. þ. á.

Fjármálaráðuneytið, 4. september 1944.

F. h. r.

Magnús Gíslason.

Einar Bjarnason.

REGLUGERÐ

um mat og flokkun á kartöflum.

1. gr.

Landbúnaðarráðherra skipar þriggja manna nefnd, og sé einn tilnefndur af Grænmetisverzlun ríkisins, annar af Búnaðarfélagi Íslands og sá þriðji af Alþýðusambandi Íslands. Ráðherra skipar formann nefndarinnar. Verkefni nefndarinnar er:

- a. að ákveða verðskráningu samkvæmt 5. gr. laga nr. 31/1943 um verzlun með kartöflur o. fl.
- b. að hafa eftirlit með því að ákvæðum um flokkun á kartöflum sé fylgt og að veita leiðbeiningar um flokkunina.

2. gr.

Nefndin ræður matsmann í Reykjavík og á öðrum helztu markaðsstöðum á landinu, eftir því sem þörf krefur, og starfa þeir í umboði hennar. Þóknun til nefndarinnar og matsmanna ákveður ráðuneytið.

3. gr.

Allar innlendar kartöflur, sem seldar eru í verzlunum í Reykjavík, Hafnarfirði og á Akureyri, skulu aðgreindar í þrjá flokka:

Úrvalsflokk, I. flokk og II. flokk. Heimilt er nefndinni, ef hún telur æskilegt, að fyrirskipa flokkun á öðrum markaðsstöðum, ef þess er óskað af framleiðendum eða neytendum þar.

4. gr.

Verzlunum er óheimilt að selja kartöflur í öðrum flokki en þeim, sem matsreglur ákveða. Sé vafi á því, í hvaða flokki selja skuli kartöflur, skal leita um það úrskurðar hlutaðeigandi matsmanns, en selja þær ella sem II. flokks vöru. Allar kartöflur, sem seldar eru í matsöluverzlunum, skulu greinilega auðkenndar með merkjum á umbúðum eða á annan hátt, svo að auðsætt sé hvers flokks þær eru. Heiti tegundar (afbrigðis) skal tilgreint á úrvalsflokki og I. flokki.

Ákvæði þessi gilda þó aðeins á þeim stöðum, þar sem mat og flokkun á kartöflum er fyrirskipað.

Á tímabilinu frá því uppskera hefst og til 20. september ár hvert er heimilt að

selja kartöflur af nýrri uppskeru án mats eða flokkunar, nema annað sé ákveðið af matsnefnd (sbr. 7. gr.) 114
15. sept.

5. gr.

Matsmenn eða umboðsmenn þeirra skulu undirrita vottorð um flokkun á þeim kartöflum, sem þeir meta. Þar skal tilgreina flokk og auk þess tegundarheiti í úrvals- og I. flokki, nafn framleiðanda eða seljanda, framleiðslustað, magn (sekkja-fjölda) og hvenær mat hefur farið fram. Gjöld fyrir matsvottorð ákveður ráðuneytið. Sá, sem mats óskar, lætur matsmanni í té ókeypis nægilega aðstoð við matið.

6. gr.

Mat á kartöflum fer þannig fram, að matsmaður skoðar að minnsta kosti tíunda hvern poka af hverri tegund, séu þeir 50 eða fleiri. Ef sama matsgerð nær til kartaflna frá fleirum en einum framleiðanda, skal þess jafnan gætt, að skoða hlutfallslega jafnmikið frá hverjum um sig og ekki minna en tvo poka frá hverjum þeirra. Þegar metið er minna magn en 50 pokar, ber að skoða fimmta hvern þeirra. Við mat skal jafnan hvolfa kartöflunum úr þeim pokum, sem skoðaðir eru.

7. gr.

Við mat á kartöflum skal fullnægt eftirfarandi atriðum, eftir því sem frekast er unnt:

Úrvalsflokkur: Matsnefnd ákveður árlega og auglýsir með nægum fyrirvara, hverjar tegundir skuli teljast til hans, en það mega aðeins vera hinar allra beztu matarkartöflur, sem auðvelt er að þekkja af útliti, fullkomlega aðgreindar og svo hreín tegund, að ekki sé yfir 4% af öðrum tegundum blandað saman við, enda séu þær ekki frábrugðnar að hýðislit, og ekki yfir 2% af þeim með öðrum lit en aðaltegundin, þegar þær eru flysjaðar. Stærðin skal vera jöfn, lengd ekki minni en 3 cm og þyngd ekki minni en 25 gr. Kartöflurnar skulu vera þurrar og hreinar, heilbrigðar, vel hirtar og fallegar útlits. Grænar, sprungnar og hýðisskemmdar kartöflur mega ekki vera saman við.

Fyrsti flokkur: Hreinar tegundir af kartöflum, sem ekki komast í úrvalsflokk, með tilgreindu heiti. Góðar til matar, þurrar og hreinar og líta vel út. Af öðrum tegundum má ekki vera meira en 10% blandað saman við og af þeim ekki yfir 1% með öðrum hýðislit, og ekki yfir 4% af þeim með öðrum lit en aðaltegundin, þegar þær eru flysjaðar. Stærðin skal vera sem jöfnust, lágmarksstærð hin sama og í úrvalsflokki. Kartöflurnar mega ekki vera grænar né skemmdar af myglu, bleytu og rotnun eða frosti. Aðrir sjúkdómar og minni háttar skemmdir ekki yfir 5%.

Annar flokkur: Aðrar kartöflur en þær sem teljast í úrvals- og I. flokki, ef þær eru hæfar til manneldis og fullnægja eftirfarandi skilyrðum: Kartöflurnar skulu vera þurrar, lengd ekki minni en 2½ cm, þyngd ekki minni en 20 gr. Grænar kartöflur hverfandi fáar og skemmdir af völdum myglu, bleytu og rotnunar eða frosts ekki yfir 4%. Aðrir sjúkdómar eða skemmdir mega ekki vera yfir 6%.

8. gr.

Allar kartöflur skal afhenda í þurrum, heilum og þrífalegum pokum, þyngd 50 kg. Skal vera vel saumað fyrir pokana og gerð á horn. Merkja skal pokana með þar til gerðum spjöldum: Úrvalsflokk með bláum, I. flokk gulum og II. flokk hvítum spjöldum. Á spjöldin skal lettra, öðrum megin: Nafn flokks og auk þess tegundarheiti ef um úrvals- eða I. flokk er að ræða, en hinum megin: Nafn og heimili framleiðanda (eða seljanda).

9. gr.

Verði ágreiningur milli seljanda og matsmanns út af mati sker matsnefnd úr, en matsmaður getur stöðvað sölu þeirra kartaflna sem ágreiningur er um, unz úrskurður nefndarinnar er fenginn.

114

15. sept.

Verðskráning á kartöflum, sem er gerð samkvæmt 5. gr. laga um verzlun með kartöflum o. fl., skal ávallt miðast við I. flokk og ákveður matsnefnd árlega, hvaða verðmunur skuli vera á honum, úrvalsflokki og II. flokki. Skal sá verðmunur vera nægilegur til þess, að framleiðendur kjósi að hafa sem bezta vöru á boðstólum, enda sé uppskerumagn og sölumöguleikar tekið til greina.

11. gr.

Þegar mikið framboð er af innlendum kartöflum, getur landbúnaðarráðherra, eftir tillögum matsnefndar og Grænmetisverzlunar ríkisins, bannað verzlunum sölu á II. flokks kartöflum til manneldis á öllum helztu markaðsstöðum landsins.

12. gr.

Matsmenn skulu í samráði við matsnefnd hafa eftirlit með því að ákvæðum um mat sé fylgt og skal þeim heimilt að skoða kartöflubirgðir verzlana, þegar þurfa þykir. Seljanda skal skytt að láta matsmönnum í té upplýsingar og aðstoð við skoðunina.

13. gr.

Þegar kartöflur eru auglýstar til sölu skal jafnan tilgreina hvers flokks þær eru, svo og tegundarheiti, ef átt er við úrvals- eða I. flokk.

14. gr.

Matsnefnd skal annast útgáfu leiðarvísis um mat og flokkun á kartöflum. Skal þar lýst helztu tegundum (afbrigðum) svo og kvillum og göllum, sem koma til greina við flokkunina. Skal leiðarvísi þessum útbýtt ókeypis.

15. gr.

Brot gegn ákvæðum reglugerðar þessarar varða sektum, 10—1000 krónum, ef ekki liggur þyngri refsing við samkvæmt lögum.

Reglugerð þessi er hér með sett samkvæmt lögum nr. 31 2. apríl 1943, um verzlun með kartöflum o. fl. til að öðlast gildi 1. október 1944, og birtist til eftirbreytni öllum þeim, sem hlut eiga að að máli.

Atvinnu- og samgöngumálaráðuneytið, 15. september 1944.

Vilhjálmur Þór.

Páll Pálmason.